

La BCG offra 60 jobs da stad per giuvenils

S'annunziar ussa per in engaschi en il gaud da muntogna grischun

Cuira, ils 15 da matg 2020 – Attenziun, giuvenils grischuns da 15 fin 19 onns: la Banca Chantunala Grischuna (BCG) ed il Project en favur dal gaud da muntogna porschan 60 jobs da stad en il gaud da muntogna. Il project cuminaivel ha lieu per l'otgavla giada e chatta mintgamai fitg buna accoglientscha. Interessentas ed interessents pon [s'annunziar](#) fin ils 31 da matg 2020. Schebain ils engaschaments pon vegnir realisads pervi dal coronavirus, vegn decidì curt avant las emnas da project.

Ils lieus d'engaschament da quest onn sa chattan a Cuira, Glion, Claustra e Bravuogn. Durant in'emna il fanadur ed avust lavuran 60 giuvenils en il gaud da muntogna grischun. Sut la direcziun da spezialists da selvicultura prendan las giuvnas ed ils giuvens per mauns differentas lavurs: els emplantan, construeschan sendas d'inspeziun e saivs, tgiran surfatschas naturalas protegidas e fan bleras autras activitads utilas. Cun lavurar fan las participantas ed ils participants experientschas directas en il gaud da muntogna e prestan ina contribuziun activa al mantegniment dals divers effects da protecziun ch'in gaud da muntogna ha. Per lur engaschi vegnan ils giuvenils remunerads cun 500 francs.

Las emnas da project cuminaivlas da la BCG e dal Project en favur dal gaud da muntogna han lieu il 2020 per l'otgavla giada. Grazia a la collavuraziun cun il Project en favur dal gaud da muntogna, ina fundaziun d'utilitad publica cun sedia a Trin, mussa la BCG ch'ella prenda serius ils basegns da l'ambient e da la societad. Ils engaschaments da lavur duain gidar a famigliarisar las scolaras ed ils scolars cun la natira ed ad intermediar ad els la funcziun dals gauds indigens.

Gjuvnas e giuvens motivads da 15 fin 19 onns che vulan s'engaschar per la natira pon s'annunziar fin ils 31 da matg 2020 sin gkb.ch/sommerjobs.

Contact per las medias:

Banca Chantunala Grischuna, Medias & Investor Relations, Chascha postala, 7001 Cuira
Thomas Müller, thom.mueller@gkb.ch, telefon +41 81 256 83 11
Nadja Maurer, nadja.maurer@gkb.ch, telefon +41 81 256 88 01
Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [LinkedIn](#) | [Xing](#) | [YouTube](#) | [Flickr](#)

La Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 1010 collavuraturas e collavuratur (stadi dals 31-12-2019). En il chantun Grischun cun sias numerusas vals e pliras linguas, è l'interpresa represchentada cun 50 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive AG a Turitg ed a la Albin Kistler AG medemamain a Turitg. En il resultat annual preschenta ella cun ina summa da bilantscha da CHF 28.5 milliardas in gudogn dal concern da CHF 185.5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2020: 23 da fanadur 2020
